

## ЭКСПОРТБОП МАҲСУЛОТЛАР

2010 йилда фаолиятини бошлаган Фарғона вилоятининг Данғара туманидаги “Musavartex” масъулияти чекланган жамияти шаклидаги Ўзбекистон — Буюк Британия қўшма корхонаси ўтган қисқа муддатда нафақат ички, балки ташқи бозорда ҳам ўз харидорини топиб улгурди.

— 2013 йилда етти минг тонна калава ип ишлаб чиқардик, — дейди корхона раҳбари Рихситилла Юсупов. — Шундан 415 тонна экспорт қилинди.

100 нафар ишчи меҳнат қилаётган корхонада амалга оширилган модернизация ишлари натижасида маҳсулот ишлаб чиқариш ҳажмини ўттиз фоиз кўпайтириш имконияти туғилди.

Суратда: ишчи Озода Абдуллаева.



М.ҚОДИРОВ (ЎЗА)

## Ривожланишнинг янги юксак суръатларига эришиш

### бугунги куннинг муҳим вазифаси

#### ➤ Муносабат

Президентимиз Ислам Каримовнинг Вазирлар Маҳкамасининг 2013 йилда мамлакатни ижтимоий-иқтисодий ривожлантириш яқунлари ва 2014 йилга мўлжалланган иқтисодий дастурнинг энг муҳим устувор йўналишларига ба-

ғишланган мажлисидаги маърузасида келтирилган рақамлар жаҳон иқтисодиётининг ўсиш суръатлари сезиларли даражада секинлашганига ва бу жараён ҳамон давом этаётганига қарамай, Ўзбекистон замонавий, кучли рақобатга бардош бера оладиган ва диверсификациялаштирилган бо-

зор иқтисодиётини шакллантиришга йўналтирилган ўз стратегиясини изчил амалга ошира бориб, ўтган 2013 йилда иқтисодий ривожланишнинг барқарор юқори суръатларини сақлаб қолганини кўрсатади.



## Аёлга эътибор — жамият келажакига эътибор

#### ➤ “Аёллар қаноти”

Республикада хотин-қизларга оид давлат сиёсатининг изчиллик билан ҳаётга татбиқ этилиши аёлларнинг кенг қўламли ислохотлар жараёнидаги иштирокини янада кучайтирмоқда. Хусусан, “Ўзбекистон Хотин-қизлар қўмитаси фаолиятини қўллаб-қувватлаш борасидаги қўшимча чора-тадбирлар тўғрисида”ги, “Ўзбекистон Республикасида давлат ва жамият қўришида хотин-қизларнинг ролини ошириш чора-тадбирлари тўғрисида”ги Президент Фармонлари хотин-қизларнинг ижтимоий-сиёсий, иқтисодий ва маданий жабҳаларда муҳим масалаларни ҳал қилиш, давлат ва жамият бошқарувидаги иштирокини оширишга хизмат қилмоқда.



## Бош мақсад — партия гуруҳлари фаолиятини янада такомиллаштириш

Юртимизда ҳуқуқий демократик давлат қўриш, фуқаролик жамиятини барпо этиш сари босқичма-босқич равишда кенг қўламли ислохотлар амалга оширилмоқда. Ушбу

жараёнларда давлат ҳокимияти органларини шакллантиришда жамият муайян қисмининг сиёсий иродасини рўёбга чиқаришга интилувчи ҳамда ўз вакиллари орқали давлат ва

жамоат ишларини идора этишда қатнашувчи кўнгилли бирлашмаси — сиёсий партиялар муҳим ўрин тутмоқда.



#### ➤ Наргиза Абдуллаева:

### «Аёл эъзоз топсин, аёл қадр топсин...»

#### ➤ Таҳририят меҳмони

Сўхбатдошимизни ҳамма-ҳамма танийди. Машҳур “Чархпалак” миллий сериали орқали ҳар бир хонадонга Бувижон бўлиб кириб келган Наргиза Абдуллаева ҳали-ҳамон томошабинларнинг суюкли актрисаси. Наргиза сериалларда, фильмларда яратаётган турли-туман образлар ўз жозибаси ва самимийлиги билан кишини ўзига мафтун этади, томошабинни қайта-қайта экран ёнига чорлайди.

Дарвоқе, мамнуният ва қувонч билан эълон қилишимиз мумкин: Наргиза Абдуллаева Ўзбекистон “Адолат” СДП аъзоси!

Партиядошимизга берадиган саволаримиз бир олам, аммо сўхбатимиз кўпроқ болалик орзулари, аёл қадр, кино санъатида замонавий хотин-қизлар образлари мавзуларида бўлди.



## ➤ Олий Мажлис Қонунчилик палатасида Истиқболдаги вазифалар белгилаб олинди

Ўзбекистон «Адолат» социал-демократик партиясининг Ўзбекистон Республикаси Олий Мажлиси Қонунчилик палатасидаги фракцияси йиғилиши бўлиб ўтди. Унда Президентимиз Ислам Каримовнинг мамлакатимизни 2013 йилда ижтимоий-иқтисодий ривожлантириш яқунлари ва 2014 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисидаги маърузасидан келиб чиқадиган вазифалар муҳокама этилди.



## Жамият учун тенги йўқ бойлик

### 2014 йил — Соғлом бола йили

— Соғлом бола нафақат ота-она бахти, қувончи, балки миллат таянчи, келажак, — дейди “Адолат” СДП аъзоси, спортнинг триатлон тури бўйича мамлакат чемпиони, 2013 йилги Зулфия мукофоти соҳибаси Камила Суярова. — Унинг Ватан истиқболи учун куч-истеъдодини намойён этишга қодир баркамол инсон бўлиб вояга етишидан жамият бевосита манфаатдор.

Самарқандлик спортчи Камила Суярованинг эътирофлари бежиз эмас. Ота-онаси унинг соғлом фарзанд бўлиб вояга етиши, катта спортда ўз истеъдодини намойён эта олиши, илмли бўлиши учун ҳамма имкониятларни муҳайё қилишган. Натижада эса, у бугун юрт довруғини оламга ёядиган, тенгдошларига ибрат кўрсатадиган, уларни ўз ортидан эргаштира оладиган инсон сифатида камолга етмоқда.

Дарвоқе, Соғлом бола йилига оид мулоҳазаларимизни айни шу мисолдан бошлага-

нимиз бежиз эмас. Самарқандда соғлом тарбия туфайли жамият учун керакли инсон бўлиб вояга етаётган, ҳаётда ўз ўрнини топаётган Камила сингари ёшлар оз эмас. Спорт, илм-фан, маданият соҳасида аллақачон жамоатчиликка яхшигина танилиб қолган, азму шижоати қатъий, фикран ҳам, жисмонан ҳам соғлом ўғил-қизлар қадим юртининг бугунги истиқболини яратиш учун эзгу ва салоҳиятли ишларга қўл урмоқдалар.



## Васийлик ва ҳомийлик:

кучли  
ижтимоий  
ҳимоя ва  
ижтимоий  
адолат

#### ➤ Қонунчилик

Мамлакатимизда васийлик ва ҳомийликка муҳтож шахсларнинг ҳуқуқлари ва қонуний манфаатларини ҳимоя қилишнинг самарали, кўп босқичли тизими яратилган. Уларни давлат томонидан қўллаб-қувватлаш бўйича таъсирчан чора-тадбирлар босқичма-босқич кўрилмоқда.

Маълумки, республикада васийлик ва ҳомийлик билан боғлиқ ҳуқуқий муносабатлар асосан Фуқаролик кодекси, Оила кодекси, Вазирлар Маҳкамаси қарори билан тасдиқланган “Васийлик ва ҳомийлик тўғрисидаги Низом” ва бошқа меъриий ҳужжатлар билан тартибга солинган.















